

四庫全書

史部

欽定四庫全書

史部

明史卷二百九十三

四

五

給事中_臣劉涓履勘

總校官編修_臣朱鈐

欽定四庫全書

明史卷二百九十三

大學士張廷玉等奉 敕修

列傳第一百八十一

忠義五

武大烈

徐曰泰等

盛以恒

高孝述等

潘弘

劉振世等

錢祚徵

顏日愉

艾毓初等

陳豫抱

許宣等

劉振之

杜邦舉
貴曹謀等

李秉雲

余爵等

關永傑

侯君擢等

張維世

姚若時等

王世琇

顏則孔等

許永禧

高斗垣等

李貞佐

周卜歷等

魯世任

張信等

劉禔

陳顯元等

何燮

左相申等

趙興基

鄭元綬等

武大烈臨潼人舉天啟七年鄉試崇禎中授永寧知縣
奸人倚萬安郡王恣不法大烈痛懲之十三年十二

月李自成自南陽陷宜陽知縣唐啟泰被害遂攻永寧大
烈與鄉官四川巡撫張論協力捍禦論歿于吏部郎中
鼎延及從父治中讚繼之有獄囚勾賊入都司馬有義
棄城走大烈鼎延等固守三日賊夜半登城執大烈自
成以同鄉欲活之大烈不屈索印又不予乃燔灼以死
鼎延匿智井免讚及子國學生祚延死之主簿魏國輔
教諭任維清守脩王正己百戶孫世英並不屈死萬安
王采鑑亦被害賊移攻偃師一日而陷知縣徐日泰大

罵不屈為賊轡割死啟泰掖縣人曰泰金谿人並起家鄉舉明年正月賊陷寶豐知縣朱由械死之陷密縣知縣朱敏汀及里居太僕卿魏持衡舉人馬體健死之由械益府鎮國將軍常澈子敏汀亦宗室並由貢生敏汀妾張一女一孫及臧獲數人俱死與由械並贈僉事是月陷洛陽鄉官來秉衡劉芳奕常克念郭顯星韓金聲王明楊萃荀良翰等抗節死秉衡天啟四年舉于鄉未仕城陷為賊將劉宗敏所執令易服欲官之不可羈南

郊民舍顧見其友謂之曰賊勒我以官我義不受辱恨
母老子幼死不瞑目爾賊聞燒鐵索加其脛終不從遂
被殺并其母劉妾吳及幼子俱殺之芳奕慷慨負智畧
與秉衡同舉于鄉為昌樂知縣解官歸歲大歉人相食
傾橐濟之賊漸逼集義士為干城社佐有司保障及城
陷縊死西城戍樓克念舉進士為平陽推官有聲顯星
舉于鄉為翰林待詔金聲明皆進士金聲官邯鄲知縣
明官行人萃良翰皆舉人萃官辰州知府良翰未仕

錢祚徵字錫言掖縣人崇禎中由鄉舉歷官汝州知州
汝為流賊往來孔道土寇又竊據山中祚徵欲先除土
寇募壯士千人訓練而遣人為好言招撫夜半取間道
直搗其巢寇大敗乃令民千家立一大寨有急鳴鉦相
救寇勢衰息其魁遂降十四年正月李自成驟來犯祚
徵乘城守身中流矢守益力月餘大風霾礮炸樓焚城
遂陷罵賊而死汝人立廟祀之

盛以恒潼關衛人崇禎十三年由舉人知商城縣甫月

餘流賊突至却之明年張獻忠陷襄陽鄰境大恐以恒
已遷開封同知將行士民懇留之乃登陴與鄉官楊所
修洪允衡馬剛中段增輝共城守二月中賊奄至適雨
雪守者凍餒不能戰以恒督家衆射賊十七人墜馬賊
怒併力攻矢中以恒右額猶裹創拒敵賊登北城家衆
巷戰死且盡乃被執罵賊不屈為賊支解孫覺及典史
呂維顯教諭曹維正皆死所修故魏忠賢黨也歷左副
都御史入逆案贖徒為民至是罵賊死允衡萬厯中進

士歷官陽和兵備副使分守北門力戰死剛中字九如
崇禎七年進士除大同知縣行取授檢討乞假歸賊入
大罵被磔死增輝字含素為諸生以學行稱朝廷下保
舉令被薦不樂為吏擬除教授未謁選歸遇變罵賊死
賊既陷商城即疾驅犯信陽城陷知州高孝誌訓導李
逢旭程所聞里居靜海知縣張映宿死之其陷光山典
史魏光遠亦死之所司請贈卹未報十五年七月帝下
詔曰比州縣有司不設守備賊至即陷與衝鋒陷陣持

久力詘者殊科若概援天啟間例優予贈廕何由旌勸
勞臣自今五品以下止贈監司四品及方面始贈京卿
著為令乃贈以恒副使孝誌叅議維顯等贈卹有差天
啟中州縣長吏殉難者率贈京卿廕錦衣世職賜祭葬
有司建祠崇禎初改廕國子生俾之出仕而京卿之贈
如故至是始改贈外僚云

顏日愉字華陽上虞人萬厯中舉於鄉崇禎初除知葉
縣有惠政為上官所惡劾罷部民爭詣闕訟冤乃獲叙

用後為靜寧知州。擢賊亂，馳請固鎮五道兵合剿，而先率敢死士數人招諭之。賊弛備，遂遣精卒擣其營，賊倉皇潰斬數百級。黎明，五道兵繼至，復大破之，遷開封同知。流賊勢方熾，上官以南陽要衝，舉日愉為知府。大治守具，人心稍固。十四年五月，賊猝至，百餘人冒雨登城。日愉擊殺之，幾盡。餘賊引去，城獲全。日愉手中一矢，頭項被二刃死。城上事聞，贈太僕卿。賊既不得志去，遂縱掠旁近州縣。其冬，再圍南陽，攻陷之。參議艾毓初死焉。

毓初字孩如米脂人戶部侍郎希淳曾孫也崇禎四年進士授內鄉知縣生長邊陲習戰事六年冬流寇來犯薶大礮名滾地龍者於城外城中燃線發之賊死無算遂解去內鄉與鄰邑淅川多深山邃谷為盜窟民居慄慄毓初至為設守脩民得少安明年冬唐王聿鍵上言祖制親王所封地有司早晚必謁見今父毓初等皆不謁帝怒悉逮下法司而敕禮部申典制已而王被逮毓初獲補官屢遷至右參議分守南陽與日愉却賊有功

自成用宋獻策計欲取南陽以圖關中復率大衆來寇
毓初偕總兵官猛如虎等堅守賊攻入南門會總督楊
文岳援軍至賊引退文岳去賊復攻之食盡援絕毓初
題詩城樓遂自縊南陽知縣姚運熙主簿門迎恩訓導
楊氣開亦死之明年十月自成再陷南陽知府邱懋素
罵賊不屈闔門被害是月賊過扶溝衆議城守舉人劉
恩澤初嘗以策干當事多見用縣令駭不解事恩澤痛
哭曰吾不幸從木偶人死自題樓壁曰千古綱常事男

兒肯讓人明日城陷擲樓下以死

潘弘字若稚淮安山陽人起家貢生崇禎十三年為舞陽知縣時流賊披猖土寇亦間發弘數討敗之明年十一月李自成羅汝材既陷南陽縱兵覆所屬州縣將攻舞陽弘諭士民共拒諸生慮賊屠城請委曲紓禍弘叱之去賊薄城發礮擊之多斃有小校善射屢却賊諸生潛遣人約降賊復至弘作告先聖文自誓必死諸生潛開門縛弘以獻賊索印宏不予脅降怒罵不屈乃支解

之子澄瀾痛憤大哭投井死時鄧州鎮平內鄉泌陽新野相繼陷鄧州知州劉振世吏目李國璽千戶余承蔭李錫諸生丁一統張五美王鍾王子章海寬傅彥皆抗節死鎮平知縣成縣鍾其碩被執罵賊死內鄉知縣南昌龔新新野知縣四川韓醇並不屈死泌陽凡再陷是年五月張獻忠破信陽獲左良玉旗幟假之以登城知縣雲南南寧王士昌懷印端坐被縛謾罵死臨昌姚昌祚代之甫數月復陷昌祚手斬數賊力屈死典史雷晉

遲率捕卒戰死又有武職王衍范錢繼功海成俱死難而鄧州于十年春為張獻忠所破知州孫澤盛同知薛應齡皆戰死至是亦再陷云

陳豫抱舞陽人母段早寡撫豫抱及其弟豫養豫懷皆為諸生力田好學善承母志崇禎十四年流賊陷舞陽母先赴井三子從之豫抱妻黃攜其子默通豫養妻馬携子默恒默言俱從之三世九人一時盡節時郡邑諸生死者甚衆錄其著者內鄉許宣及二弟寀官慷慨好

義賊陷鄧州宣兄弟結里中壯士直入其城禽偽官王
守許家寨賊怒攻破之寨從母常先投井死宣宮皆罾
賊被殺宮妻鍾窠妻陳並自經其妹亦罵賊被殺時稱
許氏七烈賊之攻偃師也張毓粹率二子佐有司固守
城陷大罵俱被殺妻蘭與三女二孫悉赴井死賊殺武
同芳母同芳噴血大罵支解而死劉芳名劉芳世蘭之
粹喬于昆蘭完韻王光顯喬國屏王邦紀蘭相喬張一
鷺張一鵬牛一元皆抗節死芳名完韻妻皆張氏與邦

紀妻高並從死一鷺一鵬父亦罵賊死唐縣許曰琮早喪父母歿廬墓三年城破遁居南山賊徵之不出脅以死鏤其背曰誓不從賊遂嘔血而死

劉振之字而強慈谿人性剛方敦學行鄉人嚴重之崇禎初舉于鄉以教諭遷鄆陵知縣十四年十二月李自成陷許州知州王應翼被害都司張守正鄉官魏完真諸生李文鵬王應鵬皆死自許以南無堅城有奸人素通賊倡言城小宜速降振之怒叱退之典史杜邦舉曰

城存與存亡與亡人臣大義公言是振之乃與集吏民
共守賊大至城陷振之秉笏坐堂上賊索印不與縛置
雪中三日夜罵不絕口亂刃交下乃死初振之書一小
簡藏篋中每歲元旦取視輒加紙封其上及死家人發
篋乃不貪財不好色不畏死三語也其立志如此贈光
祿寺丞邦舉富平人許被屠鄆陵人恟懼守者或遁走
邦舉捕得斬以徇及城陷自成欲降之邦舉罵曰朝廷
臣子豈為賊用賊抉其舌含血噴之遂遇害開封屬邑

多陷殉難者有費曾謀魏令望柴薦禋楊一鵬劉孔暉
王化行姚文衡之屬曾謀鉛山人少師宏裔也由鄉舉
知通許甫四旬賊猝至曾謀召父老曰我死若輩以城
降可免屠戮北向再拜抱印投井死令望字于野武鄉
人舉進士授商邱知縣調太康寇至固守不下賊怒攻
破之屠其城令望闔門自焚薦禋江山舉人知涓川城
陷大罵死一鵬河津人舉崇禎九年鄉試為尉氏知縣
甫數月政聲四起城破罵賊死孔暉邵陽人舉天啟元

年鄉試知新鄭固守不能支遂死之士民祀之子產祠
化行知商水城陷被殺代者文衡蒞任數月賊復至携
印赴井死其小吏則臨潁千總賈廕序長葛典史杜復
春鄉居則長葛舉人孟良屏諸生張範孔等汜水舉人
張治載馬德茂皆死之

李秉雲高陽人舉于鄉崇禎初知浮山縣流賊數萬來
寇秉雲手發一書斃其魁衆遂遁屢遷山西僉事十四
年秋以才調河南大梁道駐禹州十二月李自成連陷

鄆陵陳留諸縣遂寇禹州乘雲誓死固守賊多斃于礮
俄以十萬衆攀堞登執乘雲使跪乘雲怒叱賊賊猝而
杖之大罵不絕聲縛諸樹攢射之罵不已斷其舌亂刃
交下而死贈光祿卿州先有徽王府嘉靖時王載瑜有
罪爵絕而延津等五郡王皆被難明年賊犯開封監軍
主事余爵監軍僉事任棟先後戰死棟永壽人由貢生
為萊州通判崇禎四年李九成等叛棟佐知府朱萬年
共守萬年與廵撫謝璉為賊所誘執棟與同知寇化掖

縣知縣洪恩炤助大帥楊御蕃力拒圍解論功進秩屢遷保定監軍僉事十四年從總督楊文岳南征鳴皋鎮之捷與有功尋與總兵虎大威破賊平峪再破之鄧州明年正月從解開封圍尋戰鄆城大捷後從援開封會左良玉大潰於朱仙鎮賊來追棟力戰歿於陣余爵禹州人崇禎元年進士歷知府寧章邱遷職方主事罷歸楊嗣昌出督師請爵以故官參謀軍事嗣昌入蜀命與張克儉同守襄陽城陷爵脫走從督師丁啟睿於河南

破賊鄧州十五年開封園急監左良玉軍往援戰敗被
執罵賊死姪敦華亦遇害棟贈太僕卿爵太僕少卿

闕永傑字人孟鞏昌衛人世官百戶永傑好讀書每遇
忠義事輒書之壁狀貌奇偉類世人所繪關忠義像崇
禎四年會試入都與儕輩遊忠義祠有道士前曰昨夢
神告吾後人當有登第者後且繼我忠義可語之永傑
愕然頗自喜已果登第授開封推官強植不阿民畏愛
之憂歸起官紹興遷兵部主事督師楊嗣昌薦其才請

用之軍前乃擢睢陳兵備僉事駐陳州陳故賊衝歲被蹂躪永傑日夜為做備十五年二月李自成數十萬衆來攻永傑與知州侯君擢鄉官崔泌之舉人王受爵等率士民分堞守賊遣使說降斬其頭懸之城上賊怒攻破之永傑格殺數賊身中亂刃而死君擢字際明成安人起家舉人賊圍時身先士卒運木石擊賊城濠皆滿後被縛罵不絕口死泌之鹿邑人進士知雒縣調清苑多所建豎舊令黃宗昌為御史劾周延儒延儒屬保定

知府撫宗昌罪知府以屬泌之泌之曰殺人媚人可乎
知府愧且怒會泌之遷戶部主事知府謂其侵隱錢糧
三萬不聽行御史行部至泌之直前與知府角御史以
聞下獄遣戍久之釋還至是遭變用鐵杖斃賊數人自
劉死守備張鷹揚力戰被禽不屈受爵亦擊殺數賊大
罵並死之贈永傑光祿卿君擢右叅議泌之復故官受
爵宛平知縣有龔作梅者年十七父母俱亡殯於舍賊
大民居作梅跪柩前焚死

張維世太康人萬厯四十四年進士厯平陽知府捕治絳州奸猾數十人遷副使累官右僉都御史代陳新甲巡撫宣府視事甫旬日坐失防削籍遣戍已而釋還崇禎十五年二月李自成陷睢州犯太康維世佐知縣魏令望竭力拒守城陷抗節死時中州縉紳先後死難者甚衆十三年登封土寇李際遇因歲饑倡亂旬日間衆數萬前鳳陽通判姚若時居魯莊被執誘之降大罵死族諸生丕顯亦死之若時子諸生城思報父讎數請兵

討賊賊執之于路亦抗罵死陝州趙良棟仕蓬萊教諭
罷歸寓澠池寇陷澠池與子德易罵賊死子婦與孫亦
赴井以殉陝州之陷平定知州梁可棟大罵而死淮安
同知萬大成投井死商水臨汾知縣張質抗賊死西
平陷懷仁知縣楊士英死之子婦王亦死睢州陷太平
知府杜時髦不屈死時髦字觀生崇禎七年進士息縣
陷賊召前項城殺諭王多福欲官之堅拒不赴賊逼之
投繯死其後以國變死者有洛陽阮泰知廣靈解職歸

聞京師陷不食死妻朱氏從之睢州楊汝經崇禎十年
進士授戶部主事擢井陘兵備僉事十七年甘肅陷巡
撫林日瑞殉難超拜汝經右僉都御史代之行次林縣
聞京師陷將赴南京至東明率壯士百餘騎還討林縣
偽官遇賊戰敗被執偽官釋其縛屢說之降不從斃之
獄

王世琇字崑良清苑人崇禎十年進士授歸德推官遷
工部主事十五年二月李自成陷陳州乘勝犯歸德世

琇將行僚屬邀共守慨然曰久官其地臨難而去之非
誼也遂與同知顏則孔經歷徐一源商邱知縣梁以樟
教諭夏世英里居尚書周士樸等誓衆堅守賊攻圍七
日總督侯恂家商邱其子方夏率家衆斬關出傷守者
衆遂亂賊乘之入世琇則孔並遇害則孔女聞之卽自
縊一源分守北城殺賊多城陷巷戰罵賊死以樟中賊
刃久而復甦妻張及子女僕從皆死以樟竟獲免世英
持刀罵賊死於明倫堂妻石亦自刎同死者尚書士樸

工部郎中沈試主事朱國慶中書侯忻廣西知府沈仔
威縣知縣張儒及舉人徐作霖吳伯允周士美等六人
官生沈泌侯暎等三人貢生侯恒沈誠周士貴等八人
國學生侯悰沈倜等四人諸生吳伯喬張渭劉伯愚等
一百十餘人試商邱人大學士鯉之孫作霖伯允伯喬
渭伯愚皆郡中名士則孔忻州人一源海鹽人世英祥
符人士樸自有傳賊既破歸德尋陷鹿邑知縣紀懋勛
死之陷虞城署縣事主簿孔亮死之

許永禧曲沃人由鄉舉為上蔡知縣多惠政性耿介嘖
笑無所假崇禎十五年春李自成遣數騎抵城下脅降
永禧即督吏民城守賊大呼曰今日不降明日屠衆懼
永禧歎曰賊勢披猖彈丸邑豈能守吾一死盡職而已
衆皆泣明日賊果大至守者驚潰永禧具袍笏北面再
拜據案秉燭端坐賊入遂自剄時西平遂平先後皆陷
西平知縣高斗垣繁峙人崇禎十二年由貢生授官為
人孤鯁以清慎得名城陷被執不屈死遂平知縣劉英

貴州貢生誓衆死守城陷罵賊死上蔡既陷有官篆者以汝寧通判往攝縣事城中民舍盡燬篆廣招流亡衆觀望不敢入會左良玉駐城南兵士恣淫掠衆始入城依篆村民遭難來愬篆即入良玉營責以大義奪還之悍卒挾弓刃相向篆坦腹當之不敢害民獲完家室者甚衆是年冬汝寧陷賊黨賀一龍掠地上蔡譌傳土寇剽掠篆禦之陷陣死篆膠州人起家任子

李貞佐字無欲安邑人少受業同里曹于汴之門以學

行著後舉于鄉崇禎十四年除知郟縣初李自成焚掠至郟土寇導之害前令邵可灼貞佐至則練鄉兵括土寇財充餉時出郊勞耕者月課士邑有姊妹二人抗賊死拜其冢祀以少牢民王允錫有孝行造廬禮之士民大悅明年二月自成復來寇貞佐集衆死守汝州吏目顧王家仁和人撫賊有功當遷汝人乞留以助之城陷貞佐走拜其母曰兒不忠不孝陷母至此有勸微服遁者不可賊執之去大罵見賊殺人輒厲聲曰驅百姓固

守者我也妄殺何為賊割其舌支解而死母喬亦死友人王昱相隨不去賊義之昱收葬貞佐于南郊歲寒食士民傾邑祭奠廣其冢至二畝餘贈河南僉事王家亦大聲叱賊賊亂刃斫死子國誘賊發金墟墓間用巨石擊殺之賊遂盡殺邾人邾有陳心學者授知縣不謁選而歸其友周卜厯舉鄉試知內黃以父喪歸里自成陷邾執兩人欲官之心學不從被殺自成謂卜厯曰為我執知縣來可代汝死曰戕人以利己仁者不為賊怒并

殺之汝所轄四邑並陷寶豐知縣張人龍遵化人城陷不屈死妻年少悍奴四人欲亂之妻飲以酒俾極歡潛遣婢告丞尉捕殺奴乃扶櫬旋里魯山知縣楊呈芳山海衛人有惠政練總詹思鸞與進士宗麟祥等謀不軌呈芳捕斬之城陷死伊陽知縣孔貞璞曲阜人賊薄城以守禦堅解圍去他日有事汝陽道遇賊被執亦不屈死寶豐之陷也舉人李得筭短衣雜衆中為所執賊謀主牛金星者故舉人也勸賊重用舉人賊所至獲舉人

即授以官得筭終不自言賊莫知其為舉人也役使之不肯伺賊寐將刺之賊覺被殺或告賊曰此舉人也賊懼棄其屍而去時中州舉人盡節者南陽張鳳翔王明物洛陽張民表永城夏云醇商城余容善光州王者瑄光山胡植嵩縣王翼明並罵賊死

魯世任字媿尹垣曲人性端方事親孝從安邑曹于汴學又交絳州辛全學日有聞天啟末舉于鄉崇禎十年知鄭州建天中書院集士子講肄其中遠近從學者千

人十三年秋給事中范士髦薦世任及臨城諸生喬已
百內邱太原通判喬中和于朝稱為德行醇儒堪繼薛
瑄陳獻章之後乞召試平臺置左右備顧問不報十五
年流賊來犯世任勒民兵禦之河干戰敗自剄死士民
祀之書院中其年正月賊陷襄城知縣曹思正被殺訓
導張信罵賊不屈死典史趙鳳豸拒賊死復陷西華知
縣劉伯驂懷印投井死明年汜水陷知縣周騰蛟亦死
焉伯驂河間人由歲貢生得官賊信急遣妻奉母歸及

城被困有勸出降者立斬之登陣死守賊驅其下為十
覆迭攻之城遂陷抗節死騰蛟香河舉人邑兵荒撫字
有術以其間釐定徭役民甚便之城孤懸河畔縣人吳
邦清等于城南立七砦相犄角摩天砦最險土寇李際
遇伺騰蛟往河北急據之遂攻縣城騰蛟聞力請于上
官救兵至始解去騰蛟念故城難守遷縣治于摩天砦
以阨賊衝未幾賊大至持十餘日勢且不支砦臨河可
渡以免騰蛟曰吾何忍舍衆獨生遂自投于河賊退人

從河濱獲其屍印懸肘間河南凡八郡三在河北自六年蹂躪後賊未再犯其南五郡十一州七十三縣靡不殘破有再破三破者城郭邱墟人民百不存一朝廷亦不復設官間有設者不敢至其地遥寄治他所其遺黎僅存者率結山寨自保多者數千人少者數百最大者洛陽則際遇汝寧則沈萬登南陽則劉洪起兄弟各擁衆數萬而諸小寨悉歸之或附賊或受朝命陰陽觀望獨洪起嘗官副總兵頗恭順其後諸人自相吞併中原

禍亂于是為極至十六年四月帝特下詔蠲五郡賦三年諭諸人赦其罪斬偽官者受職捕賊徒者賚金復城獻俘者不次擢用然事已不可為矣

劉禋字誠吾中部人祖仕刑部郎中以諍大禮廷杖後與定李福達獄下吏遣戍穆宗朝起太僕少卿不就父爾完歷知商邱名山有學行禋性孝母歿于名山四千里扶櫬至劍閣雲棧以肩任之父少寐愛聽史記禋每夕朗誦俟父熟寢乃已崇禎四年賊陷中部禋負父走

免十四年由鄉舉授登封知縣土寇為亂裡練壯士且
守且戰寇不敢近十五年李自成陷其城裡被縛自成
以同郡故欲降之裡叱曰豈有奕世清白吏肯降賊耶
自成義之遣賊將反覆說裡執彌厲乃見殺贈僉事陳
顯元者由副榜授新安知縣惡衣糲食徒步咨疾苦以
城堞傾頽寇至不能守率士民入保闕門寨賊檄降立
碎其檄及來犯死守月餘力竭而陷見賊怒罵賊大殺
寨中人顯元叱曰守寨者我也百姓何辜寧殺我賊怒

遂支解而死當是時河南被賊尤酷故死事者尤多其
傳錄未詳者開封之陷則同知蘇茂均通判彭士奇大
使徐陞閻生白皆死之士奇高要人由鄉舉河南之陷
則先後知府亢孟檜王蔭長通判白守文訓導張道脉
靈寶知縣朱挺或被執不屈或陷城自盡孟檜臨汾人
蔭長吳橋人並由鄉舉南陽之陷則葉縣知縣張我翼
被害新野先後知縣陳公邱茂表皆死之汝寧之陷武
臣則遊擊朱崇祖千戶劉懋勲楊紹祖袁永基同子世

蔭百戶葉榮蔭張承德李衍壽閻忠國皆力戰死崇祖妻孫永基母王亦死之歲貢生林景暘國學生趙得庠楊道臨等諸生趙重明費明棟楊應楨李士諤等皆死之巡按御史蘇京奉詔錄上凡二百四十九人後因國變諸籍散佚蓋武職及州縣未秩舉貢諸生所遺者幾什之五六

何燮字中理晉江人舉于鄉崇禎中知亳州州自八年後寇賊交橫益以饑饉民死徙過半燮盡心拊循營戰

守具甚脩未幾山東河南土寇迭至變戰盧家廟生禽賊魁二人剗其腸示衆撫降者數千人十五年二月李自成陷河南居民望風逃竄城空不能守賊至執變欲降之罵不屈斷足剖胸而死懸首市上三日耳鼻猶動賊遂縱兵四出霍邱靈璧盱眙皆陷霍邱八年春嘗陷至是再陷知縣左相申率兵巷戰力屈死之巡檢吳姓者鬪死靈璧知縣唐良銳全州舉人城陷抗罵死盱眙先被陷賊至士民悉走獨主簿胡淵不去縣故無城淵

持戟至龜山寺力鬪殪數人賊駭欲遁會馬蹶被執奮罵而死淵永年人起家貢生

趙興基雲南太和人崇禎初以鄉舉通判廬州賀一龍左金王等五部據英霍二山暑入秋出以為常督師楊嗣昌遣監軍僉事楊卓然招之受侮而返十四年六月襲陷英山知縣高在崙抗賊死十二月陷潛山知縣李孕嘉典史沈所安素苛急奸民盜賊執之並不屈死所安子亦死焉十五年張獻忠為左良玉所敗走與諸部

合遂以三月攻舒城踰月城陷改為得勝州據之遣其
黨分掠旁邑游騎日抵廬州城下興基與知府鄭履祥
經歷鄭元綬合肥知縣潘登貴指揮同知趙之璞里居
叅政程楷分門守監司蔡如衡貪戾民不附賊謀滿城
中不能知五月提學御史徐之垣以試士至獻忠遣其
徒偽為諸生襲儒冠以入夜半舉礮城中大擾之垣如
衡及履祥登貴竝縋城走興基時守水西門聞變挺刃
下戍樓與門斬數人被創死元綬楷共守南薰門元綬

力鬥死楷不屈死之璞守東門巷戰死賊乘勢連陷含
山巢縣廬江及無為六安又陷太湖知縣楊春芳典史
陳知訓教諭沈鴻起訓導婁懋履並死焉廬州城池高
深八年春賊百方力攻知府吳大樸堅守不下後屢犯
終不得志至是以計得之履祥登貴懼罪委之與基總
督史可法察其冤以聞乃治兩人罪而贈興基河南僉
事楷光祿卿元綬亦贈卹方賊攻舒城縣令適以憂去
里居編修胡守恒與游擊孔廷訓督民兵共守會廷訓

縱所部淫掠士民遂叛降賊城將陷悍卒殺守恒事聞
贈少詹事諡文節

明史卷二百九十三

欽定四庫全書

明史卷二百九十三考證

武大烈傳

徐日泰等附

賊夜半登城執大烈自成以同

鄉欲活之大烈不屈索印又不予乃燔灼以死

臣

方煒按武大烈及唐啟泰張讚王正己徐日泰朱由
械朱敏汀魏持衡劉芳奕常克念韓金聲王明楊萃

賜謚俱另載卷末謹識

武大烈傳

徐日泰等附

讚及子國學生祚延死之

臣

方煒按張祚延魏國輔任維清孫世英馬體健來秉
衡郭顯星荀良翰俱

賜祀忠義祠謹識

錢祚徵傳礮炸樓焚城遂陷罵賊而死

臣方煒按錢

祚徵

賜謚另載卷末謹識

盛以恒傳張獻忠陷襄陽鄰境大恐

臣方煒按獻忠

陷襄陽居兩日即破懋城返而破當陽邾縣招汝才

兵東下入光州汝寧以南商城及羅山息縣信陽固始殘破殆盡見明紀事本末謹附識

盛以恒傳

高孝誌等附

乃被執罵賊不屈為賊支解

且方煒按盛以恒及洪允衡馬剛中高孝誌張映宿

賜謚俱另載卷末謹識

盛以恒傳

高孝誌等附

增輝字含素為諸生以學行稱

朝廷下保舉令被薦不樂為吏擬除教授未謁選歸

遇變罵賊死

臣

方煒按段增輝盛覺呂維顯曹維

正李逢旭程所聞魏光遠俱

賜祀忠義祠謹識

顏日愉傳

父毓初等附

上官以南陽要衝舉日愉為知

府

臣

方煒按是時左良玉次南陽躡賊於西山賊

走獻忠汝才合兵來攻日愉與指揮王汝章禦却之

見綏寇紀畧謹附識

顏日愉傳

父毓初等附

日愉手中一矢頭項被二刃死

城上

臣

方煒按顏日愉及父毓初姚運熙邱懋素

賜謚俱另載卷末謹識

顏日愉傳主簿門迎恩訓導楊氣開亦死之

臣方煒

按門迎恩楊氣開劉恩澤俱

賜祀忠義祠謹識

潘弘傳

劉振世等附

賊索印弘不予脅降怒罵不屈乃

支解之

臣

方煒按潘弘及劉振世鍾其碩龔新韓

醇王世昌姚昌祚孫澤盛薛應齡

賜謚俱另載卷末謹識

潘弘傳

劉振世等附

子澄瀾痛憤大哭投井死

臣方

煇按潘澄瀾李國璽余承蔭李錫丁一統張五美王鍾王子章海寬傳彥雷晉暹王衍范錢繼功海成俱

賜祀忠義祠謹識

陳豫抱傳

許宣等附

賊陷舞陽母先赴井三子從之豫

抱妻黃携其子默通豫養妻馬携子默恒默言俱從之三世九人一時盡節

臣

方煇按陳豫抱豫養豫

懷陳默通默恒默言許宣及弟宋宮張毓粹武同芳

劉芳名劉芳世蘭之粹喬于昆蘭完續王光顯喬國
屏王邦紀蘭相喬張一鷺一鵬及父某牛一元許曰
琮俱

賜祀忠義祠謹識

劉振之傳自許以南無堅城

臣方煒按是時許以南

諸邑如涪川長葛陳留禹州皆與鄢陵先後相繼陷
見綏寇紀畧謹附識

劉振之傳

杜邦舉附

振之秉笏坐堂上賊索印不與縛

置雪中三日夜罵不絕口亂刃交下乃死

臣方煒

按劉振之及王應翼張守正杜邦舉費曾謀魏令望
柴薦裡楊一鵬劉孔暉王化行姚文衡

賜謚俱另載卷末謹識

臣方煒按魏完真李文鵬王應

鵬賈蔭序杜復春孟良屏長範孔張治載馬德茂俱

賜祀忠義祠謹識

劉振之傳

費曾謀等附

開封屬邑多陷殉難者有費曾

謀魏令望柴薦裡楊一鵬劉孔暉王化行姚文衡之

屬

臣

方煒按曾謀殺寇紀畧作令謀與此互異謹

附考

李乘雲傳

余爵等附

執乘雲使跪乘雲怒叱賊賊猝而

杖之大罵不絕口縛諸樹攢射之罵不已斷其舌亂

刃交下而死

臣

方煒按李乘雲及余爵任棟

賜謚俱另載卷末謹識

李乘雲傳

余爵等附

戰敗被執罵賊死姪敦華亦遇害

臣

方煒按余敦華

賜祀忠義祠謹識

關永傑傳陳故賊衝歲被蹂躪

臣

方煒按是時自成

再圍開封為陳永福等禦却遂移兵攻陳州城破之日賊怒而屠之少長無或免者睢州太康寧陵考城商水西華遇賊輒潰見明紀事本末謹附識

關永傑傳

侯君擢等附

永傑格殺數賊身中亂刃而死

臣

方煒按關永傑及侯君擢崔泌之張鷹揚

賜謚俱另載卷末謹識

關永傑傳

侯君擢等附

受爵亦擊殺數賊大罵竝死之

臣

方煒按王爵龔作梅俱

賜祀忠義祠謹識

張維世傳

姚若時等附

維世佐知縣魏令望竭力拒守

城陷抗節死

臣

方煒按張維世及姚若時梁可棟

萬大成張質楊士英杜時髦阮泰楊汝經

賜謚俱另載卷末謹識

張維世傳

姚若時等附

前鳳陽通判姚若時居魯莊被

執誘之降大罵死族諸生丕顯亦死之

臣方煒按

姚丕顯姚成趙良棟王多福俱

賜祀忠義祠謹識

張維世傳

姚若時等附

若時子諸生城思報父讎數請

兵討賊賊執之於路亦抗罵死

臣方煒按河南通

志若時殉節時從子丕顯及丕烈丕振麟徵等並死

之傳訛丕為不謹據改丕烈丕振麟徵並

賜祀忠義祠謹識

張維世傳

姚若時等附

陝州趙良棟任蓬萊教諭罷歸

寓澠池寇陷澠池與子德易罵賊死子婦與孫亦赴

井以殉

臣

方煒按良棟子名德易見河南通志傳

朱晰謹據改德易並

賜祀忠義祠謹識

王世琇傳

顏則孔等附

知縣梁以樟

臣

方煒按以樟

故鄆撫夢澤子也歸德以無藩封不置兵賊至以樟

因偕世琇等集鄉勇為守禦見綏寇紀畧謹附識

王世琇傳

顏則孔等附

世琇則孔竝遇害

臣

方煒按

王世琇及顏則孔徐一源沈試朱國慶侯忻沈仔張
儒紀懋勛孔亮

賜謚俱另載卷末謹識

王世琇傳

顏則孔等附

舉人徐作霖吳伯允周士美等

六人官生沈泌侯暎等三人貢生侯恒沈誠周士貴
等八人國學生侯惊沈倜等四人諸生吳伯喬張渭
劉伯愚等一百十餘人

臣

方煒按夏世英徐作霖

吳伯允周士美沈佖侯駿侯恒沈誠周士貴侯棕沈
周吳伯裔張渭劉伯愚俱

賜祀忠義祠謹識

許永禧傳

高斗垣等附

永禧具袍笏北面再拜據案秉

燭端坐賊入遂自剄

臣

方煒按永禧及高斗垣劉

英官篆

賜謚俱另載卷末謹識

許永禧傳

高斗垣等附

是年冬汝寧陷

臣

方煒按是

年七月孫傳庭兵至南陽為自成汝才所敗復陷南陽屠之閏十一月遂進圍汝寧陷之見綏寇紀畧謹

附識

李貞佐傳

周卜厯等附

明年二月自成復來寇

臣方

煒按是時自成分兵為四老狃守承天羅汝才守襄陽草裏眼往黃州而自將其一以攻邾見明紀事

本末謹附識

李貞佐傳

周卜厯等附

賊割其舌支解而死

臣

方煒

按李貞佐及邵可灼顧王家陳心學周卜歷張人龍
楊呈芳孔貞璞

賜謚俱另載卷末謹識

李貞佐傳

周卜歷等附

王家亦大聲叱賊賊亂刃斫死

子國誘賊發金墟墓間用巨石擊殺之賊遂盡殺却
人

臣

方煒按顧國李得筍張鳳翔王明物張民表

夏云醇余容善王者瑄胡植王翼明俱

賜祀忠義祠謹識

魯世任傳

張信等附

河干戰敗自剄死

臣

方煒按魯

世任及曹思正劉伯驂周騰蛟

賜謚俱另載卷末謹識

魯世任傳

張信等附

訓導張信罵賊不屈死

臣

方煒

按張信趙鳳笏俱

賜祀忠義祠謹識

魯世任傳

張信等附

獨洪起嘗官副總兵頗恭順

臣

方煒按沈萬登亦嘗授副總兵于十四年十月誅偽

將軍馬尚志并諸偽官復汝寧見明紀事本末謹附識

劉裡傳

陳顯元等附

土寇為亂

臣

方煒按是時登封

李遇申端邦等據山為亂見河南通志所謂土寇者即此謹附識

劉裡傳

陳顯元等附

遣賊將反覆說裡執彌厲乃見殺

臣

方煒按劉裡及陳顯元蘇茂均彭士奇亢孟檜

王蔭長白守文朱挺張我翼陳我邱茂表朱崇祖

賜謚俱另載卷末謹識

劉裡傳

陳顯元等附

河南被賊尤酷故死事者尤多

臣

方煒按徐陞閩生白張道脉劉懋勲楊紹祖袁永

基袁世蔭葉榮蔭張承德李衍壽閩忠國林景暘趙
得庚楊道臨趙重明費明棟楊應禎李士諤俱

賜祀忠義祠謹識

何燮傳

左相申等附

斷足剖胸而死懸首市上三日耳

臬猶動

臣

方煒按何燮左相申唐良銳胡淵

賜謚俱另載卷末謹識

何燮傳

左相申等附

知縣左相申率兵巷戰力屈死之

巡檢吳姓者鬪死

臣

方煒按吳某

賜祀忠義祠謹識

趙興基傳

鄭元綬等附

興基時守水西門聞燮挺刃下

戍樓與鬪斬數人被創死

臣

方煒按趙興基及高

在崙李孕嘉趙之璞程楷楊春芳

賜謚俱另載卷末謹識

趙興基傳

鄭元綬等附

元綬力鬪死

臣

方煒按沈所

安鄭元綬陳知訓沈鴻起婁懋履俱

賜祀忠義祠謹識

趙興基傳之垣如蘅及履祥登貴竝縋城走

臣

方煒

按流賊傳廬州陷知府鄭履祥死之明紀事本末綬
寇紀畧所載皆同均與此互異但下文稱履祥委失
城之罪於興基史可法因察治履祥罪則履祥爾時
實以遁免而流賊傳所載誤謹附考

趙興基傳

鄭元綬等附

悍卒殺守恒

臣

方煒按是時

廷訓降賊教以衝棚穴城城陷賊剽守恒腹以矛數十創而死見綏寇紀畧比云悍卒殺守恒互異謹附考

明史卷二百九十三考證

附明史卷二百九十三考證後

乾隆四十一年

賜謚諸臣

武大烈 馬剛中 顏日愉 潘宏 劉振之

魏令望 李秉雲 闕永傑 李貞佐 陳顯元

以上通謚忠烈

艾毓初 張維世 魯世任

以上通謚忠節

徐日泰 朱由楨 朱敏汀 盛以恒 洪允衡

高孝誌 邱懋素 鍾其碩 王士昌 杜邦舉

柴薦裡 劉孔暉 余爵 任棟 侯君擢

崔泌之 姚若時 梁可棟 楊士英 徐一源

許永禧 劉英 顧王家 周卜歷 朱崇祖

何變 胡淵 趙興基 高在崙 李孕嘉

趙之樸 程楷

以上通謚烈愍

唐啟泰 張讚 王正已 魏持衡 劉芳奕

常克念 韓金聲 王明 楊萃 錢祚徵

張映宿 姚運熙 劉振世 龔新 韓醇

姚昌祚 孫澤盛 薛應齡 王應翼 張守正

費曾謀 楊一鵬 王化行 姚文衡 張鷹揚

萬大成 張質 杜時髦 阮泰 楊汝經

王世琇 顏則孔 沈試 朱國慶 侯忻

沈仔 張儒 紀懋勛 孔亮 高斗垣

官篆

邵可均

陳心學

張人龍

楊呈芳

孔貞璞

曹思正

劉伯驂

周騰蛟

劉裡

蘇茂均

彭士奇

亢孟檜

王蔭長

白守文

朱挺

張我翼

陳公

邱茂表

左相申

良良銳

楊春芳

以上通諡節愍

欽定四庫全書

明史卷二百九十四

大學士張廷玉等奉 敕修

列傳第一百八十二

忠義六

夏統春

薛聞禮等

陳美

郭裕等

譔吉臣

張國勲等

盧學古

朱士完等

陳萬策

李開先

許文岐

李新等

郭以重

岳郭金城

崔文榮

朱士鼎

徐學顏

李毓英等

馮雲路

熊易道

雷明審

蔡道憲

周二南等

張鵬翼

歐陽顯宇等

劉熙祚

王孫蘭

程良籌

程道壽

黃世清

楊暄

朱一統等

唐時明

薛應珍唐夢鯤

段復興

靳聖居等

簡仁瑞

何相劉等

司五教

張鳳翽

都任

王家錄等

祝萬齡

王

徵等

陳

瓚

周鳳岐

王徵俊

宋之僞等

丁泰運

尚大倫等

夏統春字元夫桐城人為諸生慷慨有才志用保舉授
黃陂丞嘗攝縣事著廉能聲十五年賊犯黃陂統春已
遷麻陽知縣未赴乃督衆拒守凡十五晝夜賊忽解去
統春度賊必再至而衆已疲甚休於家閱五日賊果突
至城遂陷統春巷戰力竭被執欲屈之統春指賊魁大
罵賊怒斷其右手復以左手指賊罵賊又斷之罵不已

乃割其舌目怒視皆欲裂賊又剜其目猶以頭觸賊遂
支解之有薛聞禮者武進人由府吏官黃陂典史歲歉
民捕漕粟聞禮奉使過漢口貸於所知得千金以代民
捕十六年張獻忠陷黃陂愛聞禮才挾與俱去暮即亡
歸會賊所設偽官為士民殺死聞禮曰禍大矣令士民
遠避而已獨留以當之俄賊至將屠城聞禮挺身曰殺
偽官者我也賊欲活之詈不止乃見殺當是時賊延蔓
中原覆名城不可勝數其以小吏死難有何宗孔賈儒

秀張達郝瑞日諸人宗孔紫陽典史十一年五月流賊
再陷其城死之儒秀商南典史城陷抗節死達興山典
史十四年二月張獻忠自蜀來攻都司徐日耀戰沒達
被縛罵賊不屈死瑞日陝西人為固始巡檢羅山為賊
陷上官令瑞日攝縣事單騎攜二童以往至則止僧寺
將招流移為守禦計未踰月賊遣偽官至土寇萬朝勲
與之合誘執瑞日說之降不從拘於家一日朝勲置酒
宴羣賊醉卧潛入其室殺之將奔鳳陽鳳陽雨阻復見

繫賊愛其勇欲留之叱曰我雖小吏亦朝廷臣子肯為賊用耶遂被害二僕亦死有朱耀者固始人與父允義兄炳思成並以勇力聞八年賊來犯耀父子力戰却之明年賊復至耀出戰手馘數十人追之陷伏中大罵死允義曰我必報子讐炳謂思成曰我二人必報弟讐三人率衆奮擊賊解去城獲全

陳美字在中新建人崇禎時由鄉舉知宜城縣兵燹之餘民生凋瘵及張獻忠據穀城人情益懼美安輯備至

襄陽陷賊兵來犯美偕守備劉相國迎擊賊中伏敗去
巡按御史上其功獲敘錄撫治都御史王永祚以六等
課所部有司美居上上薦於朝未及擢用十五年冬李
自成長驅犯襄陷左良玉先奔永祚及知府以下俱遁
賊入城鄉官羅平知州蔡思繩福州通判宋大勳殉節
賊分兵寇宜城棗陽穀城光化均州美守宜城固拒八
晝夜城陷抗罵不已為賊磔死訓導陽城田世福亦死
之棗陽知縣郭裕清江舉人甫視事張獻忠至左良玉

屯近邑裕單騎邀與共禦賊却去至是賊將劉福來攻
裕發礮石擊傷多賊憤攻益力城陷身被數槊大罵賊
支解之合門遇害光化知縣萬敬宗南昌人貢生到官
以死自誓賊薄城遂自盡賊義之引去城獲全鄉官韓
應龍舉人歷長蘆鹽運使不受偽職自縊死穀城知縣
周建中亦殉節均州知州胡承熙被執不屈與其子爾
英俱死承熙有能聲永祚課屬吏亦列上上遷刑部員
外郎未行遇難賊犯鄖陽同知劉璇死之保康陷知縣

萬惟壇與妻李氏俱死之璇永年人惟壇曹縣人俱貢生

諶吉臣字仲貞南昌人父應華萬厯時以參將援朝鮮戰歿吉臣由舉人為雲夢知縣崇禎十五年十二月李自成陷襄陽其黨賀一龍陷德安吉臣急遣孥歸身誓死弗去明年正月雲夢陷被執不食累日賊臨以兵吉臣乞速死賊壯之授以官不屈驅上馬曰我失守封疆當死此更安往乃見殺福王時贈太僕寺丞賊分兵犯

旁邑應城陷訓導張國勲死之國勲黃陂人城將陷詣文廟抱先師木主大哭為賊所執大罵不屈支解死妻子十餘人皆殉節袁啓觀者雲夢諸生也賊據城啓觀立寨自守賊執去出題試之啓觀曰汝既知文亦知亂臣賊子人人得而知之耶賊怒殺之安陸城陷知縣分水濮有容一門十九人皆死鄉民結寨自保賊將白旺連破數十寨諸生廖應元守並堅奸人執送旺旺問汝欲何為厲聲曰欲殺賊耳賊怒射殺之應山舉人劉申

錫養死士百人城陷謀恢復兵敗為旺所殺百人皆戰死沔陽陷同知馬颺死之

盧學古夏縣人舉人歷承天府同知攝荊門州事崇禎十五年十二月李自成寇荊門學古誓死守學正黃州張郊芳訓導黃岡程之奇亦盟諸生於大成殿佐城守賊環攻四日無援城陷學古罵賊不絕口剖腹而死郊芳之奇亦不屈死有朱士完者潛江舉人鄉試揭榜夕夢黑幟墮其墓門粉書亂世忠臣四字至是賊破承天

長驅陷潛江士完被執械送襄陽道由泗港齧指血書
已盡節處遂自經賊所過焚毀士完所題壁獨存彭大
翮者竟陵之青山人賊逼承天大翮出所著平賊權畧
上之當事不能用遂自集一旅保鄉曲邀斬賊過當賊
怒雨夜襲之大翮嘆曰吾子孫陣亡已盡吾何用生為
赴水死賊既陷荊門遂向荊州巡撫陳睿謨急渡江
入城奉瑞王常潤南奔監司以下皆奔士民遂開門迎
賊訓導撤君錫正衣冠端坐明倫堂賊至欲屈之詬罵

而死君錫字賓王絳縣人賊大索縉紳故相張居正子
尚寶丞允修不食死戶部員外郎李友蘭不屈死諸生
王維藩率妻朱及二女避難為賊所掠維藩令妻女赴
井死遂見殺諸生王圖南被執抗罵死夷陵李雲由鄉
舉知潁川州州人祠祀之謝事歸流賊熾大書名義至
重鬼神難欺二語於牖以自警及城陷不屈執至江陵
絕食死呂調元者歸州千戶也城陷士民悉歸附調元
獨率步卒格鬪陷重圍中招之降大罵死亂刀下

陳萬策江陵人天啓中與同邑李開先先後舉於鄉並
有時名崇禎十六年正月李自成據襄陽設偽官其吏
政府侍郎石守喻上獻先為御史降賊薦兩人賢可用
自成遣使具書幣徵之萬策隱龍灣市賊使至歎曰我
為名誤既不能奮身滅賊尚可惜頂踵耶夜自經賊使
至開先家開先瞋目大罵頭觸墻死福王時俱命優卹
許文岐字我西仁和人祖子良巡撫貴州右僉都御史
父聯樞廣西左參政文岐崇禎七年進士歷南京職方

郎中賊大擾江北佐尚書范景文治戎備景文甚倚之
遷黃州知府射殺賊前鋒一隻虎奪大纛而還獄有重
囚七人縱歸省尅期就獄皆如約至乃請於上官貸之
十三年遷下江防道副使駐蘄州賊魁賀一龍蘭養成
等萃蘄黃間文岐設備嚴賊黨張雄飛將南渡命遊擊
楊富焚其舟賊乃却巡撫宋一鶴上其功副將張一龍
善馭兵文岐重之嘗共宿帳中軍中夜呼噪文岐曰此
奸人乘夜思遁耳堅卧不出質明叛兵百餘人奪門遁

一龍追獲盡斬之一軍肅然楊富既久鎮斬一鶴復遣
參將毛顯文至不相得兵民洶洶文岐會二將以杯酒
釋之始無患十五年左良玉潰兵南下大掠文岐立馬
江口迎之兵莫敢犯時警報日急人無固志會擢督糧
參政當行文岐歎曰吾為天子守孤城三載矣分當死
封疆雖危急奈何棄之遣妻奉母歸檄富顯文出屯近
郊為固守計無何荆王府將校郝承宗潛通張獻忠明
年大舉兵來攻文岐發礮斃賊甚衆夜將半雪盈尺賊

破西門入文岐巷戰雪愈甚礮不得發遂被執獻忠聞其名不殺繫之後營時舉人奚鼎鉉等數十人同繫文岐密謂曰觀賊老營多烏合凡此數萬卒皆被掠良民若告以大義同心協力賊可殲也於是陰相結期四月起事以柳圈為信謀洩獻忠索之果得柳圈縛文岐斬之將死語人曰吾所以不死者志滅賊耳今事不成天也含笑而死時文岐陷賊中已七十餘日矣事聞贈太僕卿賊既陷蘄州遂屠其民鄉官陝西僉事李新舉家

被執賊欲屈之新叱曰我昔官秦中爾輩方為廝養今日肯屈膝廝養耶賊怒新父屍就刃其時屬吏死節者惟麻城教諭定遠蕭頌聖蘄水訓導施州童天申

郭以重黃州人世為衛指揮崇禎十六年城陷自他所來赴難其妻欲止之叱曰朝家畀我十三葉金紫不能易一死哉吾將先殺汝妻乃不敢言既至遇賊欲脅之去堅不從露刃懾之乃好謂賊曰從汝非難但抱小兒者吾妻也汝為我殺之吾無累矣賊如其言以重即奪

賊刃擊斬一賊羣賊擁至遂赴水死先是蘄州破指揮
岳壁自屋墮地不死賊執至城上欲降之厲聲曰我世
臣也城亡與亡豈降賊賊刃之仆地氣將絕瞋目曰我
死為鬼當滅汝時大雪血流丈餘目眦不合同時郭金
城為羅田守將賊逼城率所部五百人戰斬級百餘追
之英山賊大集團三日突圍不得出被執脅降不從見
殺

崔文榮海寧衛人世指揮僉事舉武會試授南安守備

崇禎中臨藍盜起逼桂陽桂王告急文榮督所部會剿却賊四萬人以功擢武昌參將十六年四月張獻忠犯漢陽文榮渡江襲斬六百級已而城陷武昌震懼巡撫宋一鶴既死承天新任巡撫王聚奎未至武昌素不宿重兵城空虛或議撤江上兵以守文榮曰守城不如守江團風煤炭鴨蛋諸州淺不及馬腹縱之飛渡而坐守孤城非策也當事不從賊果從團風渡江陷武昌縣縣無人賊出營樊口文榮軍洪山寺扼之既斂兵入城以

他將代守賊全軍由鴨蛋洲畢渡抵洪山守將亦退入城文榮以武勝門當賊衝偕故相賀逢聖協守賊攻之不能下監軍參政王楊基時已擢右僉都御史巡撫承天德安二郡未聞命尚駐武昌見勢急與推官傅上瑞詭言有事漢陽開門遁去人情益洶洶先是楚王出資募兵應募者率蘄黃潰卒及賊間諜至是聞文昌保安二門納賊文榮方出關還闔城扉不及躍馬大呼殺三人賊攢槊刺之洞胸死有朱士鼎者起家武進士為巡

江都司城陷被執賊嘉其勇敢欲大用之戰手大罵賊斷其右手乃以左手染血灑賊賊又斷之不死賊退令人縛筆於臂能楷字招集舊卒訓練如常

徐學顏字君復永康人母疾禱於天請以身代夜夢神人授藥旦識其形色廣覓之得荆漚疾遂愈父為中城兵馬指揮忤權要人下吏學顏三疏訟寃所司格不上徧叩諸公卿莫為雪將置重辟學顏號泣爭於刑部不能得至鬻臂血濺於庭乃獲釋歸推所居大宅讓其弟

尚義疎財族黨德之崇禎三年建東宮詔舉孝友廉潔
博物洽聞可勵俗維風者有司以學顏應寢不行十二
年以思貢生授楚府左長史引義匡輔王甚敬之十五
年冬諸司長官及武昌知府江夏知縣並以朝覲行學
顏攝江夏事繕修守具楚府新募兵即令學顏將之明
年五月晦新軍內叛城陷學顏格鬪斷左臂大罵不屈
為賊支解一家二十餘人殉之通判固安李毓英亦舉
家自縊武昌知縣鄒逢吉被害同死者武昌衛經歷汪文

熙巡檢戴良瑄及僧官一人俱罵賊不屈腰斬賊既陷武昌分兵陷屬邑於是嘉魚知縣霍山王良鑑蒲圻知縣臨川曾栻俱抗節死事聞學顏贈僉事毓英等贈卹有差

馮雲路字漸卿黃岡人好學勵行年三十即棄諸生從賀逢聖講學遂寓居武昌著書數百卷崇禎三年巡按御史林鳴球薦其賢并上所著書不用及賊將渡江雲路貽書逢聖曰在內以寧湖為止水在外以漢江為汨

羅寧湖者雲路談經處也城既陷乘桴入寧湖賊遣使來聘遥應曰我平生只讀忠孝書未嘗讀降賊書也遂投湖死從游諸生汪延陞亦死焉其同邑熊霈字渭公亦移居武昌喜邵子皇極書頗言未來事十六年元旦盡以所撰性理格言圖書懸象大易參諸書付其季弟曰善藏之城破前一日貽書雲路言明日當覓我某樹下及期行樹傍賊追至躍入荷池以死有諸生明睿者江夏人城破賊獨不入其門睿慨然曰安有父母之邦

覆而偷生苟活者語家人速從我入井否則速去於是妻及二子二女并諸婢以次投井審笑曰吾今曠然無累矣從容榜諸門赴井死時人號為明井先是賊陷黃岡諸生易道暹者字曦侯好學尚氣節居深山中積書滿家賊氛漸逼道暹惜所積書又以已所著書多不忍棄遂巡未行及賊至子為瑚急奉母走青峰巖道暹攜幼子為璉擔書以行遇賊紹曰余書賈也賊笑曰汝易曦侯何給我道暹曰若既知我當聽我一言慎毋殺人

焚廬舍賊曰若身不保尚為他人言耶道遲厲色叱賊賊怒殺之為璉請代賊并殺之未幾為瑚亦被殺時黃陂諸生傳可知亦以叱賊死可知幼喪父卧柩下三年六十喪母啜粥三年黃陂陷被執可知年已踰八十賊憫其老不殺俾養馬叱曰我為士數十年肯役于賊耶延頸就刃賊殺之

蔡道憲字元白晉江人崇禎十年進士為長沙推官地多盜察豪民通盜者把其罪而任之盜方劫富家分財

收者已至召富家還所失物皆愕不知所自惡少年開
戶謀為盜啓戶捕卒已坐其門驚逸去吉王府宗人恣
為奸道憲先治而後啟王王召責之抗聲曰今四海鼎
沸寇盜日滋王不愛民一旦鋌而走險能獨與此曹保
富貴乎王悟謝遣之十六年五月張獻忠陷武昌長沙
大震承天巡撫王楊基率所部千人自岳州奔長沙道
憲請還駐岳州曰岳與長沙唇齒也并力守岳則長沙
可保而衡永亦無虞揚基曰岳非我屬也道憲曰棄北

守南猶不失為楚地若南北俱棄所屬地安在揚基語
塞乃赴岳州及賊入蒲圻即遁去湖廣巡撫王聚奎遠
駐袁州憚賊不敢進道憲亦請移岳聚奎不得已至岳
數日即徙長沙道憲曰賊去岳遠可繕城以守彼犯岳
猶憚長沙援若棄岳長沙安能獨全聚奎不從賊果以
八月陷岳州直犯長沙先是巡按御史劉熙祚令道憲
募兵得壯丁五千訓練之皆可用至是親將之與總兵
官戶先民等扼羅塘河聚奎聞賊逼大懼撤兵還城道

憲曰去長沙六十里有險可柵以守毋使賊踰此又不
從時知府堵允錫入覲未返通判周二南攝攸縣事城
中文武無幾則薄城士民盡竄聚奎詭出戰遽率所部
遁道憲獨拒守賊遶城呼曰軍中久知蔡推官名速降
毋自苦道憲命守卒射之斃越三日先民出戰敗還賊
奪門入先民降道憲被執賊啗以官爵齒大罵釋其縛
延之上坐罵如故賊曰汝不降將盡殺百姓道憲大哭
曰願速殺我毋害我民賊知終不可奪磔之其心血直

賊賊面健卒林國俊等九人隨不去賊亦令說道憲降
國俊曰吾主畏死去矣不至今日賊曰爾主不降爾輩
亦不得活國俊曰我輩畏死亦去矣不至今日賊并殺
之四卒奮然曰願瘞主屍而死賊許之乃解衣裹道憲
骸瘞之南郊醴陵陂遂自刎道憲死時年二十九贈太
僕少卿謚忠烈二南字汝為雲南人由選貢為長沙通
判盡職業與道憲深相得擢岳州知府士民固留乃以
新秩還長沙禦賊陣沒邑舉人馮一第走湘鄉將乞師

他所賊繫其母與兄招之一第歸就縛賊將斬之一老僧伏地哭請免賊乃去其兩手置營中一夕死母兄獲免賊陷東安舉人唐德明仰藥死犯耒陽諸生謝如珂拒戰死

張鵬翼西充人崇禎中由選貢生授衡陽知縣十六年八月張獻忠逼衡州巡撫王聚奎李乾德及監司以下皆遁士民盡奔竄鵬翼獨守空城賊至即陷脅使降戰聲詬詈賊縛而投諸江妻子赴水死賊之趨岳州也巴

陵教諭桂陽歐陽顯宇時攝縣事死焉其趨臨湘也知縣莆田林不息抗罵不屈斷其兩手殺之湘陰陷知縣大埔楊開率家屬十七人投水死其丞賴萬耀攝醴陵縣事城破亦死之長沙府照磨莫可及宜興人攝寧鄉縣事殉城死二子若鼎若鉦號慟奔赴遇害衡州既陷屬縣衡山亦失守知縣富順董我前教諭分宜彭允中皆盡節府教授永明蔣道亨攝武陵縣事抱印罵賊見殺其他文武將吏非降則逃長沙史可鏡官給事中丁

艱歸降賊賊用為湖廣巡撫及賊棄湖廣入四川李乾
德復還長沙執可鏡加榜掠械送南都伏法乾德者亦
鵬翼同邑人崇禎四年進士十六年歷右僉都御史撫
治鄖陽未赴改湖南時武昌已陷乾德守岳州獻忠攻
急乾德棄城走長沙岳州遂陷轉徙衡永賊至輒先避
長沙衡永皆隨陷獻忠入四州乃還長沙以失地謫赴
督師王應熊軍前自効永明王立擢兵部侍郎巡撫川
南乾德入蜀其鄉邑已陷父亦被難乃說諸將袁韜攻

佛圖關復重慶韜及武大定久駐重慶食盡乾德說嘉定守將楊展與大定結為兄弟資之食已而惡展構韜殺之據嘉定蜀人咸不直乾德會劉文秀自雲南至禽韜陷嘉定乾德驅家人及其弟御史史升德俱赴水死劉熙祚字仲緝武進人父純仁泉州推官熙祚舉天啓四年鄉試崇禎中為興寧知縣奸民啖斷腸草脅人財物熙祚令贖罪者必以草以是致死者勿問草以漸少弊亦止課最徵授御史十五年冬巡按湖南李自成陷

荆襄諸郡張獻忠又破蘄黃臨江欲渡熙祚以明年二月抵岳州檄諸將分防江許偏沅鄖陽二撫聯絡形勢會賊馬守應據澧州窺常德土寇甘明揚等助之熙祚馳至常德擊斬明揚五月還長沙及武昌岳州相繼陷急令總兵尹先民副將何一德督萬人守羅塘河扼要害而巡撫王聚奎乃撤守長沙賊遂長驅至聚奎率潰將孔全彬黃朝宣張先璧等走湘潭長沙不能守惠王避地至長沙與吉王謀出奔熙祚奉以奔衡州衡州桂

王封地也聚奎兵至大焚劫王及吉惠二王皆登舟避
亂熙祚單騎赴永州為城守討未幾聚奎復走祁陽衡
州遂陷永士民聞之空城逃三王至永州聚奎繼至越
日全彬等亦至劫庫金去熙祚乃遣部將護三王走廣
西而已返永州拒守賊騎追執之獻忠踞桂王宮叱令
跪不屈賊羣毆之自毀城曳至端禮門膚盡裂使降將
尹先民說之終不變見殺事聞贈太常少卿謚忠毅弟
永祚字叔遠由選貢生屢遷興化同知禽賊曾旺後以

副使知興化府事

大清兵入城仰藥死弟繇祚字季延崇禎四年進士為吉安永豐知縣鄰境九蓮山界閩粵賊窟其中繇祚請會勦賊怒率衆攻繇祚出擊三戰三捷賊益大至繇祚伏兵黃牛峒大破之積勞得疾請告歸卒兄弟三人並死王事王聚奎既失永州後伺賊退潛還武昌為代者何騰蛟所劾黃緣免

王孫蘭字畹仲無錫人崇禎四年進士累遷成都知府

蜀宗人虐民民相聚將焚內江王第孫蘭撫諭之乃解
父憂服闋起官紹興修荒政遷廣東副使分巡南雄韶
州二府連州徭賊為亂馳勦三戰皆捷十六年張獻忠
大亂湖南湖南之彬州宜章與韶接壤孫蘭乞援督府
不應最後以七百人至一宿復調去及賊陷衡州肆屠
戮韶所轄樂昌乳源仁化逋竄一空連州守將先據賊
叛韶士民聞之空城逃而賊所設偽官傳檄將至孫蘭
仰天歎曰失封疆當死賊陷城又當死吾盍先死乎遂

自縊既死賊竟不至朝廷憫其忠予贈卹

程良籌字持卿孝感人工部尚書註子也天啓五年進士時註為太常少卿不附魏忠賢御史王士英劾其為趙南星李三才私黨忠賢遂矯旨并良籌除名永不叙錄未出仕而除名前此未有也崇禎元年起官歷文選員外郎掌選事麻城李長庚為尚書以同鄉故甚倚之正郎久缺不推補同列多忌朝論亦少之長庚用推舉失當削籍良籌亦下吏遣戍久乃釋歸十六年李自成

犯承天孝感亦陷良籌以白雲山險峻與同邑叅政夏時亨築壘聚守賊使說降良籌毀其書賊怒設長圍攻之相持四十餘日解去時漢陽武昌亦為張獻忠所陷四面皆賊獨白雲孤處其間賊頗患之已武昌為官軍所復良籌號召遠近諸寨犄角進兵其冬遂復孝感雲夢十二月進薄德安兵敗退保白蓮寨寨中人素通賊為內應良籌遂被執說降不屈羈之密室明年正月左良玉遣將攻德安賊懼擁良籌令止外兵不從賊棄城

去通良籌偕行又不從遂被殺贈太常少卿程道壽者
良籌里人也嘗為來安知縣賊陷孝感置掌旅守之道
壽結里中壯士擊殺掌旅賊復至杖之繫獄令為書招
良籌道壽曰我不能助白雲滅汝肯助汝耶遂見殺

黃世清字澄海滕縣人父中色吏部員外郎世清登崇
禎七年進士除戶部主事權潞墅關有清操歷員外郎
屢遷右參議分守商雒駐商州城屢遭兵四野蕭然民
皆入保城中而客兵所過淫掠民苦兵甚於賊世清下

令兵不得闌入城未幾關中兵經其地有二卒搗門撈以徇督撫發兵誡毋犯黃參議令李自成踰荆襄遠近震動世清一子方幼屬友人養之誓身殉十六年十月自成敗孫傳庭軍長馳入關遣右營十萬人從南陽犯商州世清憑城守有奸民投賊至城下說降世清佯與語發礮斃之懸其首城上曰懷二心者視此士民皆効死礮矢盡繼以石石盡婦人掘街砌繼之城陷世清坐堂上麾其僕朱化鳳去化鳳願同死賊牽世清下化鳳

叱曰奴才不得無禮賊批其頰化鳳聲色愈厲執至賊帥袁宗第營世清植立賊欲屈之化鳳曰吾主堂堂憲司肯拜賊耶賊先殺之授世清以防禦札罵不受與一家十三人皆遇害贈光祿卿

楊暄高平人崇禎十三年進士授渭南知縣歲大凶畢力拯救民稍獲安十六年冬李自成入潼關兵備簽事楊王休降教授許嗣復分守上南門城破持梃鬪詈賊死妻女被掠皆自殺賊遂抵渭南暄已擢兵部主事未

行與訓導蔡其城同守會舉人王命誥開門迎賊暄被縛索印不與詬罵死其城亦死之賊遂陷西安咸陽知縣趙躋昌被害屬邑望風降蒲城知縣朱一統獨謀拒守曰吾家七世衣冠安可臣賊或言他州縣甲榜者皆已納款一統曰此事寧論資格耶以體肥令家人擴井口以待會衙兵叛奪印趣迎降一統瞋目叱曰吾一日未死印不可得日暮左右盡散從容赴井死縣丞沁源姚啓崇亦死焉一統平定人起家乙榜有朱迴澆者瀟

府宗室也由宗貢生為白水知縣明習吏事下不敢欺賊潛入城猶手弓射賊與學官魏歲史劉進並被難

唐時明字爾極固始人舉於鄉崇禎中為長垣教諭子路墓祀田為豪家奪時明復其故由國子學正屢遷鳳翔知府十六年十月聞李自成入潼關亟治戰守備俄潰兵大掠西人無固志及自成據西安分兵來寇典史董尚質開門迎賊時明被執偽相牛金星曰吾主求賢若渴君至西京不次擢用時明叱曰我天朝命吏肯臣

賊耶金星令尚質說降厲聲責之賊令縛赴西安時明
託妻子於友人至興平乘間自縊鳳翔既陷屬城叛降
隴州同知薛應玠武進人時攝州事勒兵守城城陷署
賊死寶鷄知縣唐夢鯤番禺舉人歷知仙居天台富川
分水四縣在富川有撫搖功坐累謫池州經歷攝貴池
縣事左良玉擁兵下鄉民奔入城守者拒夢鯤令悉納
之及改寶雞賊已過潼關星馳抵任賊逼縣知不可守
自經死

段復興字仲方陽穀人崇禎七年進士歷右叅議分守
慶陽十六年十月李自成據西安傳檄諭降復興裂其
檄集衆守踰月賊薄城圍數匝發礮石殺賊滿濠久之
勢不支拜辭其母聚妻妾子女於其上薪其上復乘城
督戰城陷趨歸火其樓母亦赴火死乃持鐵鞭走北門
擊殺數賊遂自刎士民葬之西河坪立祠祀之同時死
難者慶陽推官靳聖居安化知縣袁繼登聖居字淑孔
長垣人崇禎元年進士歷知濟源萊陽二縣屢謫復起

涖慶陽時已授刑部主事未行遇賊佐復興死守城破
被執罵不絕口死繼登南畿人起家選貢涖任未浹歲
即遭變見賊求速死賊殺之其陷寧州也知州董琬死
之宗室朱新鐸者以貢生授中部知縣自成使人持檄
招降新鐸碎之歎曰城小無兵空令士民受禍計惟自
靖耳令妻妾子女盡縊乃投繯死

簡仁瑞字季麟滎縣人由舉人歷官西安同知遷平涼
知府十六年冬賊入關諸王及監司以下官謀遁走仁

瑞謁韓王曰長安有重兵訖言不足信殿下輕棄三百年宗社欲何之縱賊壓境延寧甘涼諸軍足相援必不能支同死社稷亦不辱二祖列宗王不從是夕其護衛卒譟扶王及諸郡王宗室斬關出奔脅仁瑞行仁瑞曰吾平涼守也吾去誰與守衆遂去仁瑞乃撤四關居民入城以土石塞門為死守計未幾賊檄至乃召所活死囚數輩謂之曰吾昔嘗生汝汝亦有以報我乎皆對曰唯命即托以幼子令衛出明日賊抵城下士民數人草

降書乞僉名署印仁瑞怒叱責之正衣冠自經堂上平涼既陷屬城悉降華亭教諭郝姓者援曾子居武城義欲避去訓導何相劉止之曰吾輩委質為臣安可以賓師自待乃率諸生共守及城陷與教諭皆殉難

司五教字敬先內黃人篤學有志行崇禎時以歲貢為內邱訓導十一年邑被兵佐長吏拒守有功遷城固知縣勦山寇滅之十六年冬賊據關中郡縣風靡五教激士民固守有諸生謀內應捕斬之竿其首城上無何偽

帥田見秀擁兵至五教且戰且守賊悉兵攻四日而城陷既見執厲聲罵賊賊去其冠帶輒自取冠之罵益厲乃被磔鄉官張鳳翮字健冲天啟五年進士崇禎中官御史極論四川巡撫王維章貪劣而請召還給事中章正宸不納出按雲南還朝言陛下議均輸再征一年民力已竭討賊諸臣泄泄沓沓徒糜數百萬金錢帝納其言敕兵部飛騎勒熊文燦進兵而張獻忠已叛矣十五年遷浙江右參政未任而罷賊陷城脅之仕不屈死

都任字弘若祥符人萬厯四十一年進士授南京兵部
主事進郎中屢遷四川右參政天啓五年大計左遷江
西僉事復屢遷陝西左布政使崇禎五年又謫山東右
參政再遷山西按察使任性剛嚴多忤物數謫徙終不
變月朔同僚朝晉王任據會典爭不赴巡按御史張孫
振誣劾提學僉事袁繼咸任數慰問繼咸贖其行孫振
怒復中以大計貶秩歸後復起歷右布政使兼副使飭
榆林兵備十六年九月巡撫崔源之罷去代者張鳳翼

未至總兵官王定從孫傳庭出關大敗奔還遠近震恐
李自成遂據西安遣其將李過以精卒數萬徇三邊延
安綏德相繼陷定懼詭言討河套寇率所部遁去榆林
益空虚任急集軍民慷慨流涕諭以大義與督餉員外
郎王家錄副將惠顯等議城守城中多廢將任以尤世
威知兵推為主帥率諸將王世欽等數十人誓死守賊
遣使招降任斬以徇賊大衆屬至十一月望城被圍至
二十七日城陷任猶巷戰力不支被執欲降之大罵不

屈遂見殺世威等皆死詳見世威傳中家錄黃岡人舉
於鄉時已擢闔南兵備僉事未行與任協守團急男子
皆乘城家錄令婦人運水灌城水厚數寸賊不能攻及
城陷家錄自到死一時同死者里居戶部主事張雲鶚
知州彭卿柳芳湖廣監紀趙彬皆不屈死指揮崔重觀
自焚死傳佑與妻杜氏自縊死中軍劉光祐罵賊死材
官李耀善射矢盡自刎死同營李光裕趣家人死亦自
刎死張天叙焚其積貯自縊死指揮王廷政與弟千戶

廷用百戶廷弼奮力殺賊同死千戶賀世魁偕妻柳氏
自縊死參將馬鳴節聚妻子室中自焚死里居戰死則
山海副總兵楊明定邊副總兵張發孤山副總兵王永
祚西安參將李應孝在官死事則遊擊傅德潘國臣李
國奇晏維新陳二典劉芳馨文侯國都司郭遇吉中軍
楊正韓柳永年馬應舉旗鼓文經國守備尤勉惠漸賀
大雷楊以偉指揮李文焜文燦而副將常懷李登龍遊
擊孫貴尤養鯤守備白慎衡李宗叙亦以守鄉土遭難

諸生則陳義昌沈濬沈演白拱極白含章罵賊死張連
元連捷李可柱胡一奎李應祥自經死一城之中婦女
死義者數千人井中屍滿賊遂屠其城榆林為天下雄
鎮兵最精將材最多然其地最瘠餉又最乏士常不宿
飽乃慕義殉忠志不少挫無一屈身賊庭其忠烈又為
天下最事聞天子嗟悼將大行褒卹國亡不果

祝萬齡咸寧人父世喬有至行以父遠遊不歸年十五
即獨身訪求瀕死歷數千里卒得之後由選貢通判南

康以清慎著萬齡師鄉人馮從吾舉萬曆四十四年進士累官保定知府天啓六年魏忠賢盡毀天下書院萬齡憤逆黨李魯生遂劾萬齡言訛言謂天變地震物怪人妖悉由毀書院所致非聖誣天實甚萬齡遂落職崇禎初用薦起黃州知府集諸生定惠書院迪以正學居三年遷河南副使監軍磁州輝縣之北與山西陵川之南有村曰水峪回賊竊據數十年大為民患萬齡與山西監司王肇生合兵擊六戰焚其巢三百餘賊遂平錄

功加右參政流賊自西山入河北掠新鄉萬齡邀擊之
賊走陵川已復大至坐失事前籍歸湯開遠訟其寃不
納久之廷臣交薦未及用而西安陷萬齡深夜大帶趨
至關中書院哭拜先聖投環死僉事涇陽王徽太常寺
卿耀州宋師襄懷慶通判咸寧竇光儀儀封知縣長安
徐方敬芮城知縣咸寧徐芳聲舉人宗室知詛果及席
增光皆里居城破並抗節死

陳瓚漳浦人天啓五年進士授慈谿知縣崇禎十年為

袁州推官拒楚賊有功屢遷右參議分守湖南討平八
排賊十六年張獻忠陷長沙圍參政周鳳岐於澧州殯
督兵往救軍敗被執欲降之不屈斷手割肝而死鳳岐
永康人萬厯末年進士歷工部郎中掌節慎庫忤奄人
落職歸崇禎初起故官進四川副使苗人爭界為立碑
畫疆以定之改右參政分守澧州賊來犯援軍敗沒城
遂陷賊帥親解其縛說以降怒罵而死

王徵俊字夢卜陽城人天啓五年進士授韓城知縣崇

禎初流賊來犯禦却之坐大計謫歸德照磨巡按御史
奪日宣薦於朝給事中呂黃鍾請用天下必不可少之
人亦及徵俊乃量移滕縣知縣累官右參政分守寧前
以憂歸十七年二月賊陷陽城被執不屈繫之獄士民
爭頌其德賊乃釋之抵家北面再拜投繯卒其時士大
夫居家盡節者靈石宋之雋翼城史可觀陽曲朱慎鏤
之雋舉進士歷官登萊監軍副使忤巡按謝三賓互訐
於朝落職歸三賓亦貶秩及遇變之雋受刑死妻喬嘗

賊撞階死女斂屍畢拔簪刺喉死可觀太常少卿學遷
子官中書舍人加鴻臚少卿城陷自縊死慎鑄晉府宗
宗攝靈邱郡王府事賊陷太原冠帶祀家廟驅家人入
廟中焚之已亦投火死

丁泰運字孟尚澤州人崇禎十三年進士除武陟知縣
調河內著廉直聲十七年二月賊將劉方亮自蒲坂渡
河巡按御史蘇京託言塞太行道先遁去與陝西巡撫
李化熙全抵寧郭驛俄兵變化熙被傷走兵執京披以

婦人服令插花行稍違輒扶之以為笑樂叛將陳永福引賊至京即迎降賊遂逼懷慶監司以下皆竄泰運獨守南城力不支被執賊擁見方亮使跪不屈燒鐵鎖炙之亦不從乃遇害賊既陷懷慶尋陷彰德安陽人尚大倫字崇雅由進士歷官刑部郎中有國學生白夢謙以救黃道周繫獄太倫議寬之忤尚書意遂罷歸城陷抗節死參將榆林王榮及其子師易皆死之又有王樺徵由鄉舉歷官蒲州知州忤豪宗謝事歸為賊所執傳詣

李自成在道憤恨不食死



明史卷二百九十四

欽定四庫全書

明史卷二百九十四考證

夏統春傳

薛聞禮等附

統春指賊魁大罵賊怒斷其石

手復以左手指賊罵賊又斷之罵不已乃割其舌目怒視皆欲裂賊又剗其目猶以頭觸賊遂支解之

臣

方煒按夏統春及薛聞禮郝瑞日徐日耀

賜謚俱另載卷末謹識

夏統春傳

薛聞禮等附

其以小吏死難有何宗孔賈儒

秀張達郝瑞日諸人

臣方煒按何宗孔賈儒秀張

達朱耀俱

賜祀忠義祠謹識

陳美傳自成長驅犯襄陽左良玉先奔

臣方煒按良

玉自朱仙鎮南潰退屯襄陽大治戰艦于樊城自成

至良玉營于高阜趨白馬渡良玉移營扼之江水

纔及馬腹賊死數千渡如故良玉遂拔營南行見綏

寇紀畧謹附識

陳美傳

郭裕等附

城陷抗罵不已為賊磔死訓導陽城

田世福亦死之

臣

方煒按陳美及蔡思繩宋大勛

郭裕萬敬宗韓應龍周建中胡承熙劉璇萬惟壇

賜謚俱另載卷末謹識

陳美傳

郭裕等附

均州知州胡承熙被執不屈與其子

爾英俱死

臣

方煒按田世福胡爾英俱

賜祀忠義祠謹識

謹吉臣傳

張國勳等附

被執不食累日賊臨以兵吉臣

乞速死賊壯之授以官不屈驅上馬曰我失守封疆

當死此更安往乃見殺

臣

方煒按謚吉臣及濮有

容馬颺

賜謚俱另載卷末謹識

謚吉臣傳

張國勳等附

應城陷訓導張國勳死之

臣

方煒按張國勳未啟觀廖應元劉申錫俱

賜祀忠義祠謹識

盧學古傳

朱士完等附

學古罵賊不絕口剖腹而死

臣
方煒按盧學古及張允修李友蘭李雲

賜謚俱另載卷末謹識

盧學古傳

朱士完等附

郊芳之奇亦不屈死

臣

方煒

按張郊芳程之奇朱士完彭大翮撤君錫王維藩王
圖南呂調元俱

賜謚忠義祠謹識

陳萬策傳

李開先附

萬策隱龍灣市賊使至數曰我為

名誤既不能奮身滅賊尚可惜項踵即夜自經賊使

至開先家開先瞋目大罵頭觸牆死

臣方煒按陳

萬策李開先俱

賜祀忠義祠謹識

許文岐傳賊魁賀一龍蔭養成等萃蘄黃間

臣方煒

按賀一龍即革裏眼蔭養成即左金王與馬守應賀
錦劉希堯合即所稱革左五營也後歸自成于開封
見明紀事本末謹識

許文岐傳荆王府將校郝承忠潛通張獻忠明年大舉

兵來攻

臣

方煒按是年正月獻忠破廣濟即犯蘄

州會富順顯文終不協而鎮算兵復內間應賊城遂陷

見綏寇紀畧謹附識

許文岐傳

李新等附

縛文岐斬之

臣

方煒按許文岐

及新李

賜謚俱另載卷末謹識

許文岐傳

李新等附

賊既陷蘄州遂屠其民

臣

方煒

按賊陷蘄州即于三月破蘄水入黃州黃人盡逃旋

犯麻城麻城人湯志者大姓奴也殺諸生六十人而推其中與已合者曰周文江以城降賊賊改麻城為州以文江知州事見綏寇紀畧謹附識

許文岐傳

李新等附

其時屬吏死節者惟麻城教諭定

遠蕭頌聖蘄水訓導施州童天申

臣

方煒按蕭頌

聖童天申

賜祀忠義祠謹識

郭以重傳

岳璧等附

以重即奪賊刀擊斬一賊羣賊擁

至遂赴水死

臣

方煒按郭以重及岳壁郭金城

賜謚俱另載卷末謹識

崔文榮傳賊出營樊口文榮軍洪山寺扼之既斂兵入城以他將代守

臣

方煒按文榮斂兵入城時賊大

營尚在江北會楚府募兵官張某在因罪被笞往投之盡以軍情輸賊而黃州降賊生員李時榮之族居省城約內應于是賊由鴨蛋洲畢渡見綏寇紀畧謹附識

崔文榮傳賊攢槊刺之洞胸死

臣

方煒按崔文榮

賜謚另載卷末謹識

徐學顏傳新軍內叛城陷

臣

方煒按武昌既陷獻忠

執楚王華奎籠而沈之江盡殺楚宗室見明紀事本

末謹識

徐學顏傳

李毓英等附

學顏格鬪斷左臂大罵不屈為

賊支解一家二十餘人殉之

臣

方煒按徐學顏及

李毓英王良鑑曾棧

賜謚俱另載卷末謹識

徐學顏傳

李毓英等附

同死者武昌衛經歷汪文熙巡

檢戴良瑄及僧官一人俱罵賊不屈腰斬

臣方煒

按汪文熙戴良瑄僧官某俱

賜祀忠義祠謹識

馮雲路傳

汪延陞等附

賊遣使來聘遙應曰我平生只

讀忠孝書未嘗讀降賊書也遂投湖死

臣方煒按

馮雲路汪延陞熊需明睿易道還易為瑚為璉傳可

知

賜祀忠義祠謹識

蔡道憲傳賊果以八月陷岳州

臣方煒按獻忠陷武

昌後總兵方國安副將徐懋德等破賊于蘄州偽官
吏多被禽殺武昌生員程天一白雲寨長易道三皆
起兵討賊與官兵復黃州獻忠乃令偽總兵張其在
等守武昌而躬率大營西渡以窺岳州于是左營諸
將毛顯文常國安等與蘄黃四十八寨民兵攻復武

昌漢陽獻忠已陷咸寧蒲圻岳州矣見綏寇紀畧

謹附識

蔡道憲傳

周二南等附

賊知終不可奪礫之其心血直

賊賊面

臣

方煒按蔡道憲及周二南

賜謚俱另載卷末謹識

按蔡道憲死事曾蒙

御製詩表章刻石墓祠

表忠曠典洵依古所未聞也謹識于此

蔡道憲傳

周二南等附

健卒林國俊等九人隨不去賊

亦令說道憲降國俊曰吾主畏死去矣不至今日賊
曰爾主不降爾輩亦不得活國俊曰我輩畏死亦去
矣不至今日賊并殺之四卒奮然曰願瘞主屍而死
賊許之乃解衣裹道憲骸瘞之南郊醴陵坡遂自刎

臣方煒按林國俊馮一第唐德明謝如琦俱

賜祀忠義祠謹識

張鵬翼傳

歐陽顯字等附

賊縛而投諸江

臣方煒按

張鵬翼及歐陽顯字林不息楊開賴萬耀莫可及董

我前蔣道亨李乾德李升德

賜謚俱另載卷末謹識

張鵬翼傳

莫若鼎等附

二子若鼎若鈺號慟奔赴遇害

衡州既陷屬縣衡山亦失守知縣富順董我前教諭

分宜彭允中皆盡節

臣

方煒按莫若鼎莫若鈺彭

允中俱

賜祀忠義祠謹識

張鵬翼傳乾德守岳州獻忠攻急乾德棄城走長沙岳

州遂陷

臣

方煒按賊之犯岳州也乾德與總兵孔

希貴等率兵守陳陵磯誘殺其先鋒連戰皆捷賊百
道仰攻不能支乾德走希貴退屯湘陰已而亦走岳
州遂陷見明紀事本末謹附識

張鵬翼傳會劉文秀自雲南至禽韜陷嘉定

臣

方煒

按是時孫可望遣劉文秀張先璧由永寧取叙州白
文選由遵義取重慶會于嘉定謀犯成都其事在順
治九年見紀事本末謹附識

劉熙祚傳使降將尹先民說之終不變見殺

臣方煒

按劉熙祚及劉永祚

賜謚俱另載卷末謹識

王孫蘭傳遷廣東副使分巡南雄韶州二府連州猺賊

為亂馳勦三賊

臣

方煒按連州屬廣州府與南雄

韶州無涉考廣東通志是時分巡南韶副使兼轄廣
州之連州清遠駐韶州此所載未詳謹附考

王孫蘭傳孫蘭仰天歎曰失封疆當死賊陷城又當死

吾盍先死乎遂自縊

臣方煒按王孫蘭

賜謚另載卷末謹識

程良籌傳

程道壽附

逼良籌偕行又不從遂被殺

臣

方煒按程良籌及程道壽

賜謚俱另載卷末謹識

黃世清傳自成敗孫傳庭軍長驅入關遣右營十萬人

從南陽犯商州

臣

方煒按潼關既陷自成連破華

陰渭南華州遂攻陷商州屠之見綏寇紀畧謹附識

黃世清傳授世清以防禦札罵不受與一家十三人皆

遇害

臣方煒按黃世清

賜謚另載卷末謹識

楊暄傳

許嗣復等附

教授許嗣復分守上南門城破持

挺鬪詈賊死

臣

方煒按許嗣復蔡其城姚啟崇魏

歲史劉進俱

賜祀忠義祠謹識

楊暄傳

朱一統等附

暄被縛索印不與詬罵死

臣方

煒按楊暄及趙躋昌朱一統朱迴漑

賜謚俱另載卷末謹識

楊暄傳賊遂陷西安

臣

方煒按賊之攻西安也守將

王根子射書城下開東門納賊城遂陷見明紀事本

末謹附識

唐時明傳

薛應玠等附

時明託妻子于友人至興平乘

間自縊

臣

方煒按唐時明及薛應玠唐夢鯤

賜謚俱另載卷末謹識

段復興傳

斬聖居等附

城陷趨歸火其樓母亦赴火死

乃持鐵鞭走北門擊殺數賊遂自刎

臣方煒按段

復興及斬聖居來繼登董琬朱新鏐

賜謚俱另載卷末謹識

簡仁瑞傳其護衛辛譟挾王及諸郡王宗室斬關出奔

臣方煒按王奔出復旋為自成所執遇害並屠平

涼見諸王本傳謹附識

簡仁瑞傳正衣冠自經堂上

臣方煒按簡仁瑞

賜謚另載卷末謹識

簡仁瑞傳

何相劉等附

華亭教諭鄒姓者援曾子居武

城義欲避去訓導何相劉止之曰吾輩委質為臣安
可以賓師自待乃率諸生共守及城陷與教諭皆殉
難

臣

方煒按鄒某何相劉俱

賜祀忠義祠謹識

簡仁瑞傳平涼既陷屬城悉降

臣

方煒按平涼陷賊

遂移兵取蘭州又遣賊將辛思忠破西寧衛于是肅

州山丹永昌鎮番莊浪皆降而秦地悉沒矣見綏寇

紀畧謹附識

司五教傳

張鳳翮附

罵益厲乃被磔

臣

方煒按司五

教及張鳳翮

賜謚俱另載卷末謹識

都任傳

王家錄等附

至二十七日城陷任猶卷戰力不

支被執欲降之大罵不屈遂見殺

臣

方煒按都任

及王家錄張雲鶚彭卿柳芳趙彬崔重觀傳佑劉光

祐黃廷政馬鳴節楊明張發王永祚李應孝傳德藩
國臣李國奇晏維新陳二典劉芳馨文侯國郭遇吉
楊正韓柳永年馬應舉尤勉惠漸賀大雷楊以偉李
文焜文燦常懷李登龍孫貴尤養鯤白慎衡李宗叙
賜謚俱另載卷末謹識

都任傳

王家錄等附

材官李耀善射矢盡自刎死

臣

方煒按李耀李光裕張天叙黃廷用廷弼賀世魁文
經國陳義昌沈濬沈演白拱極白含章張連元連捷

李可柱胡一奎李廕祥俱

賜祀忠義祠謹識

祝萬齡傳

王徵等附

萬齡深衣大帶趨至闕中書院哭

拜先聖投繯死

臣

方煒按祝萬齡及王徵宋師襄

竇光義徐方敬徐芳聲

賜謚俱另載卷末謹識

祝萬齡傳舉人宗室朱誼果及席增光皆里居城破並抗

節死

臣

方煒按朱誼果席增光俱

賜祀忠義祠謹識

陳瓚傳

周鳳岐附

軍敗被執欲降之不屈斷手割肝而

死

臣

方煒按陳瓚及周鳳岐

賜謚俱另載卷末謹識

王徵俊傳

宋之儁等附

抵家北面再拜投繯死

臣方

煒按王徵俊及宋之儁史可觀朱慎鏤

賜謚俱另載卷末謹識

丁泰運傳

尚大倫等附

泰運獨守南城力不支被執賊

雍見方亮使跪不屈燒鐵鎖炙之亦不從乃遇害

臣方煒按丁泰運及尚大倫王榮王樞徵

賜謚俱另載卷末謹識

丁泰運傳

尚大倫等附

叅將榆林王榮及其子師易皆

死之

臣

方煒按王師易

賜祀忠義祠謹識

明史卷二百九十四考證

附明史卷二百九十四考證後

乾隆四十一年

賜謚諸臣

陳美 郭裕 馬颺 許文岐 李斯

崔文榮 蔡道憲 劉熙祚 黃世清 段復興

都任 陳瑄 周鳳岐 丁泰運

以上通謚忠烈

李乾德 張鳳翽 祝萬齡 王徵 宋師襄

以上通謚忠節

夏統春

薛聞禮

郝瑞日

徐日耀

謚吉臣

濮有容

盧學古

郭以重

岳壁

郭金城

徐學顏

王良鑑

曾拭

歐陽顯宇

林不息

蔣道亨

楊暄

朱一統

朱迴澆

靳聖居

司五教

劉光祐

黃廷政

馬鳴節

楊明

張發

王永祚

李應孝

傅德

潘國臣

李國奇

晏維新

陳二典

劉芳馨

文侯國

郭遇吉 楊正韓 柳永年 馬應舉 尤勉

惠漸 賀大雷 楊以偉 李文焜 李文燦

常懷 李登龍 孫貴 尤養鯤 白慎衡

李宗叙 朱慎鏤 王榮

以上通謚烈愍

蔡思繩 宋大勛 萬敬宗 韓應龍 周建中

胡誠熙 劉璇 萬惟壇 張允修 李友蘭

李雲 李毓英 周二南 張鵬翼 楊開